

רות

4 3 2 1

הפרק 1

יהי בימי שפט השפטים ויהי רעב בארץ וילך איש מבית לחם יהודה לגור בשדי מואב הוא ואשתו ושני בניו² ושם האיש אלימלך ושם אשתו נעמי ושם שני בניו מחלון וכליון אפרתים מבית לחם יהודה ויבאו שדי מואב ויהיו שם³ וימת אלימלך איש נעמי ותשאר היא ושני בניה⁴ וישאו להם נשים מאביות שם האחת ערפה ושם השנית רות וישבו שם כעשר שנים⁵ וימותו גם שניהם מחלון וכליון ותשאר האשה משני ילדיה ומאישה⁶ ותקם היא וכלתיה ותשב משדי מואב כי שמעה בשדה מואב כי פקד יהוה את עמו לתת להם לחם⁷ ותצא מן המקום אשר היתה שמה ושתי כלתיה עמה ותלכנה בדרך לשוב אל ארץ יהודה⁸ ותאמר נעמי לשתי כלתיה לכנה שבנה אשה לבית אמה יעשה יהוה עמכם חסד כאשר עשיתם עם המתים ועמדי⁹ יתן יהוה לכם ומצאן מנוחה אשה בית אישה ותשק להן ותשאנה קולן ותבכינה¹⁰ ותאמרנה לה כי אתך נשוב לעמך¹¹ ותאמר נעמי שבנה בנתי למה תלכנה עמי העוד לי בנים במעי והיו לכם לאנשים¹² שבנה בנתי לכן כי זקנתי מהיות לאיש כי אמרתי יש לי תקוה גם הייתי הלילה לאיש וגם ילדתי בנים¹³ הלהן תשברנה עד אשר יגדלו הלהן תעגנה לבלתי היות לאיש אל בנתי כי מר לי מאד מכם כי יצאה בי יד יהוה¹⁴ ותשנה קולן ותבכינה עוד ותשק ערפה לחמותה ורות דבקה בה¹⁵ ותאמר הנה שבה יבמתך אל עמה ואל אלהיה שובי אחרי יבמתך¹⁶ ותאמר רות אל תפגעי בי לעזבך לשוב מאחריך כי אל אשר תלכי אלך ובאשר תליני אליו עמך עמי ואלהיך אלהי¹⁷ באשר תמותי אמות ושם אקבר כה יעשה יהוה לי וכה יסיף כי המות יפריד ביני ובינך¹⁸ ותרא כי מתאמצת היא ללכת אתה ותחדל לדבר אליה¹⁹ ותלכנה שתיהם עד באנה בית לחם ויהי כבאנה בית לחם ותהם כל העיר עליהן ותאמרנה הזאת נעמי²⁰ ותאמר אליהן אל תקראנה לי נעמי קראן לי מרא כי המר שדי לי מאד²¹ אני מלאה הלכתי וריקם השיבני יהוה למה תקראנה לי נעמי ויהוה ענה בי ושדי הרע לי²² ותשב נעמי ורות המואביה כלתה עמה השבה משדי מואב והמה באו בית לחם בתחלת קציר שערים

הפרק 2

לנעמי מידע לאישה איש גבור חיל ממשפחת אלימלך ושמו בעז¹

ותאמר רות המואביה אל נעמי אלכה נא השדה ואלקטה בשבילים אחר אשר אמצא חן בעיניו²
ותאמר לה לכי בתי:

ותלך ותבוא ותלקט בשדה אחרי הקצרים ויקר מקרה חלקת השדה לבעז אשר ממשפחת אלימלך³

והנה בעז בא מבית לחם ויאמר לקוצרים יהוה עמכם ויאמרו לו יברכך יהוה⁴

ויאמר בעז לנערו הנצב על הקוצרים למי הנערה הזאת⁵

ויען הנער הנצב על הקוצרים ויאמר נערה מואביה היא השבה עם נעמי משדה מואב⁶

ותאמר אלקטה נא ואספתי בעמרים אחרי הקוצרים ותבוא ותעמוד מאז הבקר ועד עתה זה שבתה⁷
הבית מעט

ויאמר בעז אל רות הלוא שמעת בתי אל תלכי ללקט בשדה אחר וגם לא תעבורי מזה וכה תדבקין⁸
עם נערת:

ועיניך בשדה אשר יקצרון והלכת אחריהן הלוא צויתי את הנערים לבלתי נגעך וצמת והלכת אל⁹
הכלים ושתית מאשר ישאבון הנערים

ותפל על פניה ותשתחו ארצה ותאמר אליו מדוע מצאתי חן בעיניך להכירני ואנכי נכריה¹⁰

ויען בעז ויאמר לה הגד הגד לי כל אשר עשית את חמותך אחרי מות אישך ותעזבי אביך ואמך¹¹
וארץ מולדתך ותלכי אל עם אשר לא ידעת תמול שלשום

ישלם יהוה פעלך ותהי משכרתך שלמה מעם יהוה אלהי ישראל אשר באת לחסות תחת כנפיו¹²

ותאמר אמצא חן בעיניך אדני כי נחמתני וכי דברת על לב שפחתך ואנכי לא אהיה כאחת¹³
שפחתיך

ויאמר לה בעז לעת האכל גשי הלם ואכלת מן הלחם וטבלת פתך בחמץ ותשב מצד הקוצרים¹⁴
ויצבט לה קלי ותאכל ותשבע ותתה

ותקם ללקט ויצו בעז את נערו לאמר גם בין העמרים תלקט ולא תכלימוה¹⁵

וגם של תשלו לה מן הצבתים ועזבתם ולקטה ולא תגערו בה¹⁶

ותלקט בשדה עד הערב ותחבט את אשר לקטה ויהי כאיפה שערים¹⁷

ותשא ותבוא העיר ותרא חמותה את אשר לקטה ותוצא ותתן לה את אשר הותרה משבעה¹⁸

ותאמר לה חמותה איפה לקטת היום ואנה עשית יהי מכירך ברוך ותגד לחמותה את אשר עשתה¹⁹
עמו ותאמר שם האיש אשר עשיתי עמו היום בעז

ותאמר נעמי לכלתה ברוך הוא ליהוה אשר לא עזב חסדו את החיים ואת המתים ותאמר לה נעמי²⁰
קרוב לנו האיש מגאלנו הוא

ותאמר רות המואביה גם כי אמר אלי עם הנערים אשר לי תדבקין עד אם כלו את כל הקציר אשר²¹
לי

ותאמר נעמי אל רות כלתה טוב בתי כי תצאי עם נערוֹתיו ולא יפגעו בך בשדה אחר²²

ותדבק בנערות בעז ללקט עד כלות קציר השערים וקציר החטים ותשב את חמותה²³

הפרק 3

תאמר לה נעמי חמותה בתי הלא אבקש לך מנוח אשר ייטב לך¹

ועתה הלא בעז מדעתנו אשר היית נערוֹתיו הנה הוא זרה את גרן השערים הלילה²

ורחצת וסכת ושמת שמלתך עליך וירדתי הגרן אל תודעי לאיש עד כלתו לאכל ולשתות³

ויהי בשכבו וידעת את המקום אשר ישכב שם ובאת וגלית מרגלתי ושכבתי והוא יגיד לך את אשר⁴
תעשין

ותאמר אליה כל אשר תאמרי אעשה⁵

ותרד הגרן ותעש ככל אשר צוה חמותה⁶

ויאכל בעז וישת וייטב לבו ויבא לשכב בקצה הערמה ותבא בלט ותגל מרגלתי ותשכב⁷

⁸ויהי בחצי הלילה ויחרד האיש וילפת והנה אשה שכבת מרגלתיו
⁹ויאמר מי את ותאמר אנכי רות אמתך ופרשת כנפך על אמתך כי גאל אתה
¹⁰ויאמר ברוכה את ליהוה בתי היטבת חסדך האחרון מן הראשון לבלתי לכת אחרי הבחורים אם דל
ואם עשיה
¹¹ועתה בתי אל תיראי כל אשר תאמרי אעשה לך כי יודע כל שער עמי כי אשת חיל את
¹²ועתה כי אמנם כי אם גאל אנכי וגם יש גאל קרוב ממני!
¹³ליני הלילה והיה בבקר אם יגאלך טוב יגאל ואם לא יחפץ לגאלך וגאלתיך אנכי חי יהוה שכבי עד
הבקר
¹⁴ותשכב מרגלתו עד הבקר ותקם בטרם יכיר איש את רעהו ויאמר אל יודע כי באה האשה הגרן
¹⁵ויאמר הבי המטפחת אשר עליך ואחזי בה ותאחז בה וימד שש שערים וישת עליה ויבא העיר
¹⁶ותבוא אל חמותה ותאמר מי את בתי ותגד לה את כל אשר עשה לה האיש
¹⁷ותאמר שש השערים האלה נתן לי כי אמר אל תבואי ריקם אל חמותך
¹⁸ותאמר שבי בתי עד אשר תדעין איך יפל דבר כי לא ישקט האיש כי אם כלה הדבר היום

הפרק 4

**בעז עלה השער וישב שם והנה הגאל עבר אשר דבר בעז ויאמר סורה שבה פה פלני אלמני ויסר
וישב**
²ויקח עשרה אנשים מזקני העיר ויאמר שבו פה וישבו
³ויאמר לגאל חלקת השדה אשר לאחינו לאליםלך מכרה נעמי השבה משדה מואב
⁴ואני אמרתי אגלה אונך לאמר קנה נגד הישבים ונגד זקני עמי אם תגאל גאל ואם לא יגאל הגידה
לי ואדע כי אין זולתך לגאול ואנכי אחריו ויאמר אנכי אגאל
⁵ויאמר בעז ביום קנותך השדה מיד נעמי ומאת רות המואביה אשת המת קניתי להקים שם המת
על נחלתו
⁶ויאמר הגאל לא אוכל לגאול לי פן אשחית את נחלתי גאל לך אתה את גאלתי כי לא אוכל לגאל
⁷וזאת לפני בישראל על הגאולה ועל התמורה לקים כל דבר שלף איש נעלו ונתן לרעהו וזאת
התעודה בישראל
⁸ויאמר הגאל לבעז קנה לך וישלף נעלו
⁹ויאמר בעז לזקנים וכל העם עדים אתם היום כי קניתי את כל אשר לאליםלך ואת כל אשר לכליון
ומחלון מיד נעמי!
¹⁰וגם את רות המואביה אשת מחלון קניתי לי לאשה להקים שם המת על נחלתו ולא יכרת שם המת
מעם אחיו ומשער מקומו עדים אתם היום
¹¹ויאמרו כל העם אשר בשער והזקנים עדים יתן יהוה את האשה הבאה אל ביתך כרחל וכלאה אשר
בנו שתיהם את בית ישראל ועשה חיל באפרתה וקרא שם בבית לחם
¹²ויהי ביתך כבית פרץ אשר ילדה תמר ליהודה מן הזרע אשר יתן יהוה לך מן הנערה הזאת
¹³ויקח בעז את רות ותהי לו לאשה ויבא אליה ויתן יהוה לה הריון ותלד בן
¹⁴ותאמרנה הנשים אל נעמי ברוך יהוה אשר לא השבית לך גאל היום ויקרא שמו בישראל
¹⁵והיה לך למשיב נפש ולכלכל את שיבתך כי כלתך אשר אהבתך ילדתו אשר היא טובה לך משבעה
בנים
¹⁶ותקח נעמי את הילד ותשתהו בחיקה ותהי לו לאמנת
¹⁷ותקראנה לו השכנות שם לאמר ילד בן לנעמי ותקראנה שמו עובד הוא אבי ישי אבי דוד:
¹⁸ואלה תולדות פרץ פרץ הוליד את חצרון
¹⁹וחצרון הוליד את רם ורם הוליד את עמינדב

²⁰ועמינדב הוליד את נחשון ונחשון הוליד את שלמה

²¹ושלמון הוליד את בעז ובעז הוליד את עובד:

²²ועבד הוליד את ישי וישי הוליד את דוד: